

I. KAPITULUA

HELBURUA, IZAERA ETA FUNTZIOAK

1. Artikulua.

Arrasateko Udalak, Erregimen Lokaleko Oinarrien Lege Arautzailearen 85. artikuluan ezarritakoaren babesean, "ARRASATEKO UDALAREN KIROL ERAKUNDE AUTONOMOA" sortzen du, Estatutu hauetan zehazten diren helburuak betetzeko.

Organismo hau, ondorio guztietarako, "Arrasateko Kiroldegia" Fundazio Publikoaren ordezkodaria da, Fundazio hori Udalak 1981.eko Otsailaren 27an sortu zuen helburu berdinez, baina Udal Kiroldegiko instalazioen esparrura mugatua.

2. Artikulua.

Erakundeak bere nortasun juridikoa du eta iharduteko gaitasun osoa administratu, eskubideak lortu, kontratatu eta obligazioak beregain hartzeko, beti ere bere helburu eta xedeak lortu ahal izateko.

Halaber, autonomia administratibo eta ekonomikoa ere badu, baina aplikaziozkoak zaizkion legeak eta, batez ere, Korporazio Lokalen Zerbitzu-Araudiak eta oraingo Estatutu hauek aitortzen dioten neurrian.

3. Artikulua.

Erakundearen helburuak honako hauek izango dira:

a) Arrasateko kirolgintzaren garapena bizkortzea planteiatzen diren ahaleginak eta inizatibak ikuspegi orokorrean koordinatuz, entitate bakoitzari dagozkion ahalmenen kaltetan izan gabe.

b) Eskol eta amateur-kirolgintza bideratu eta bultzatzea, bereziki ondoko ekintza hauek burutuz:

- psikomotrizitatea eta haurren hezkuntza, kirol-heziketaren bidez.

- O.H.O.ko oinarritzko kirol-heziketan kolaboratu eta B.B.B.ko kirolgintzan hasiera ematea.

- haur mailako kirola bultzatzea (eskolatik kanpoko kirolgintza).

- kirol-eskolak antolatzea.

c) Kirol modalitate ezberdinak praktikatu ahal izateko, herritar guztiei benetako aukera eskaintzea, helduen aktibitate fisikoa (Guztiontzako kirola) bultzatzeko arreta berezia jarritz.

4. Artikulua.

Bere helburuak bete ahal izateko, ondorengo iharduera hauetarako gaitasuna izango du Erakundeak:

a) Kirol instalazioak eraikitzeko edota jabetza edota usaera eskuratzeko.

- b) Kirol instalazioak gertatu, kontserbatu eta administratzeko.
- c) Aipatutako instalazio horien erabilpena koordinatzeko, eta bai udalerriko kirol iharduerarako programak ere.
- d) Kirol-Elkarteek Batzorde Zuzendariari proposatutako erispideak oinarritzat harturik Udalbatzak onar dezan araudiaren arabera, kirol ihardueratarako diru-laguntzak emateko.
- e) Erakundearen helburu ezberdinak bete ahal izateko beharrezko izan litekeen pertsonal tekniko eta administratiboa kontratatzeko.
- f) Helburuak betetzeko beharrezko erosketa-egintzei eta ondasun higiezin eta higigarrien administrazioari buruzko hitzarmen edo kontratu, publiko nahiz pribatuak, formalizatzeko.
- g) Erakundearen zerbitzu guztiak antolatzeko.
- h) Organismo publiko eta partikularren diru-laguntzak eta beste laguntza mota batzuk eskatu eta onartzeko.
- i) Helburuak ahalik eta hobekien betetzeko diruzaintzako kontratuak eta mailegu-eragiketak formalizatzeko eta, bere iharduketa-eremuaren barnean, agintari administratibo, gobernatzaile eta juridikoen aurrera agertzeko eta mota guztietako murtziloak eta akzioak tartejartzeko.

5. Artikulua.

Erakundearen behin-behineko egoitza Arrasateko Udal Kiroldegia izango da eta, etorkizunean, Kultur eta Kirol Etzea, eraikitzen bada.

II. KAPITULUA

GOBERNU ETA ADMINISTRAZIO ORGANOAK

6. Artikulua.

Kirol Erakundearen Gobernua eta Administrazioa Batzorde Zuzendariaren kargu izango da.

7. Artikulua.

Honako kide hauek osatuko dute Batzorde Zuzendaria:

- Lehendakaria: Alkatea edo beronen ordezkari izango den udal bazkideren bat.
- Bokalak:
 - Udalean ordezkari den duen alderdi politiko bakoitzeko zinegotzi bana, Lehendakariak berak ordezkaturiko alderdikoa izan ezik.
 - Ikastetxeen ordezkari bat.
 - Herriko Kirol Elkarten hiru ordezkari.
 - Kirol instalazio munizipaleen erabiltzaileen ordezkari bat.
 - Idazkaria: Organismoaren Gerentea bera izango da idazkari funtzioak beteko dituen, hitzarekin baina boturik gabe.

Beharrezko balitz, hitzarekin baina boturik gabe, Organismoko Kirol-Teknikariak eta Kirol-Medikuak ere esku hartuko dute Batzordean.

8. Artikulua.

Batzorde zuzendariko kideak ondorengo irizpideon arabera izendatuko ditu Alkateak:

- a) Udalbatza osatzen duten talde politikoen ordezkariak, talde horien bozeramaileen proposamenari jarraituz.
- b) Ikastetxeen ordezkaria, Eskol Kontseiluaren proposamenari jarraituz.
- c) Kirol Elkarteen ordezkariak, Elkarteen proposamenez.
- d) Instalazioen erabiltzaileak harpideduna, adinez nagusia eta Arrasaten bizi eta bertako erroldan dagoena beharko du izan. K.I.U.B.aren proposamenez izendatuko da.

Batzorde Zuzendariaren eraketaren eta batzordekideen izendapenaren berri, egiten duen lehen batzaraldian emango zaio Plenoari.

9. Artikulua.

Batzorde Zuzendariko kideek ondorengo kasuotan utziko dituzte beren karguak:

- a) Norberaren eskariz.
- b) Beren kargu bereziengatik Batzordean daudenak, kargu horiek uzten dituztenean.
- c) Udal bazkideak, Batzordean sartzeko zituzten baldintzak amaitzen zaizkienean.
- d) Erakunde eta Elkarteen ezberdinen ordezkari diren batzordekideak, berorien gobernu-organoei horrela erabakitzen dutenean eta, edonola ere, izendatuak izan zirenetik bi urte igaro ondoren, nahiz eta berrautatuak izan litezkeen.

Edozein arrazoiengatik, posturen bat hutsik geratuz gero, batzordekide berria izendatuko da, ondorio guztietarako aurrekoaren ordezkari izango dena, beronen berri Udal Plenoari emango zaiolarik.

10. Artikulua.

Ondorengo funtzio hauek dagozkio Batzorde Zuzendariari:

- a) Erakundearen Zerbitzu-Araudia eta Barne-Erregimeneko Araudia onestea eta bai berorien aldaketa, hedakuntza eta indarreratzeak ere.
- b) Erakundearen helburuak betetzeko egokiak izan litezkeen iharduera-programak eta egitasmoak onestea eta behar bezala betetzea.
- c) Egitasmo eta iharduera-programetan aurrikusitako obrak eta zerbitzuak kontratatzea, aurrekontuetako kontsignazioen arabera.
- d) Erakundearen urteroko aurrekontu-proiektua egin, eta Udal Plenoari aurkeztea onespina eman diezaion.
- e) Erakundearen gestio ekonomikoa garatzea, Udalak onetsitako aurrekontuaren arabera.
- f) Harpidedunen onarpena eta egozketa, beharrezko denean.
- g) Erabiltzaileei zerbitzu hobea eskaini asmoz, instalazioen kontserbazioa, mantenua eta hobakuntzak.
- h) Beharrezko pertsonala kontratatzea, horretarako Udal Plenoak onetsitako aurrekontuen eta plantilaren arabera.

i) Estatutu hauen 2. artikuluan ezarritakoaren arabera, Organismoaren gaitasun juridiko osoaren ondoriozko egintza-mota guztiak burutzea, Udal Plenoarean eskuduntza eskusiboak ez badira, behintzat.

j) Organismora adskribatutako ondasunen inbentarioa urteko eratu eta berrikustea.

k) Zerbitzuen erabiltzaileek eginiko hutsegiteak zigortzea.

l) Organismora adskribatutako pertsonalaren disziplinazko espedienteak izapidatzea eta hutsegite arinak direnean erabakitzea ere bai.

11. Artikulua.

Batzordea osatzen duten talde politiko guztiek, Erakundearen gobernuan erantzukizun maila berdina izan dezaten, banatu ahal izango dute heuren artean multzoka kirol-elkarteen jarraipena eta ardura. Multzoak erizpide egoki eta zentzuzkoen bidez sailkatu beharko dira.

12. Artikulua.

Batzorde Zuzendariko Lehendakariari dagokio:

a) Bilkurak deitu, presiditu, eten eta jaiki eraztea, eztabaidak zuzendu eta botaziotan hainbanakoa dagoenean erabakitzea.

b) Organismoaren ordezkapena, ondorio guztietarako.

c) Presazko kasuetan, akzioak exertzatu edo egikaritzea, egindakoaren berri lehen batzaraldian Batzordeari emanaz.

d) Akordioak bete erazteko beharrezko xedapenak diktatzea.

e) Batzordeak eman liezaiokeen beste edozein funtzio eta, oro har, zerbitzuen funtzionamendurik onenerako beharrezko xedapenak diktatzea.

13. Artikulua.

Erakundeko Berezko Lehendakaria denez, Alkateari dagokio zerbitzuaren ikuskapen eta zuzendaritza nagusia, eta beraz, ondorengo kasu hauetan galerazi ahal izango du Batzordearen akordioak betetzea:

a) Delitu direnean.

b) Bere eskuduntzakoak ez diren gaietara buruzkoak baldin badira.

c) Herriaren interes orokorren edo kirol instalazioen aurkakoak direnean.

d) Udalaren Lege, Araudi, Ordenantza eta xedapenak nabariki hausten dituztenean.

14. Artikulua.

Lehendakariak beste pertsona bat izendatu ahal izango du, beti ere bere alderdi politikokoa, Lehendakaria bera kanpoan edo gaixo izan, edo postua hutsik geratuko balitz, beraren funtzioak hartuko lituzkeena.

Batzorde Zuzendariko gainontzeko partaideak ere bere ordezkoez ordezkatuak izan ahal izango dira.

III. KAPITULUA

BILKURA-ERREGIMENA

15. Artikulua.

Erakundearen Batzordea 30 egunean behin bilduko da izaera arruntez, eta Lehendakaritzak edo botu eskubidea duten batzordekideen herenak (1/3) beharrezkotzat jotzen duen guztietan.

16. Artikulua.

Batzorde Zuzendariaren ohizko eta aparteko batzarraldietarako deiak Lehendakariak egingo ditu, gutxienez berrogeitazortzi ordutako aurrerapenez eta bilkura bakoitzean erabiliko diren arazoen berri emango duen Eguneko Aztergaien Zerrenda ere bidaliko duelarik.

17. Artikulua.

Bilkurak egiteko, eta Lehendakariak gain, gutxienez honako kopuru hauek behar izango dira:

- a) Batzordekideen erdia gehi bat, lehen deialdian.
- b) Kideen herena bigarren deialdian, ordu erdi geroago.

18. Artikulua.

Eguneko Aztergaien Zerrendan sartu gabeko gaiak ere aztertu ahal izango dira, baina aurrez presazkotzat aitortzen badira, eta honetarako, bilkurara etorritakoen gehiengoaren adostasuna behar izango da.

19. Artikulua.

Akordioak botuen gehiengoz hartuko dira, eta hanbanako kasuetan Lehendakariari dagokio kalitatezko botuaz erabakitzea.

IV KAPITULUA

PERTSONALA

20. Artikulua.

Beharrezko pertsonala izango du Erakundeak, beroren kopurua, kategoria eta funtzioak, Batzordearen proposamenari jarraituz, Udal Plenoak onetsitako plantiletan zehaztuko direlarik.

Aipatutako pertsonal horren ordainketa Erakundearen aurrekontuan agertuko da.

21. Artikulua.

Honako hauek osatu ahal izango dute pertsonal-plantilla:

- a) Erakundera destinatutako Udalaren funtzionari edo enplegatuek.
- b) Erakundeak berak kontrataturiko pertsonalak.

22. Artikulua.

Udal funtzionari izan gabe, bere zerbitzurako behar duen pertsonala, zuzenean izendatu ahal izango du Batzordeak, baina Plenoak onetsitako plantilaren arabera eta kasu bakoitzean

Batzorde Zuzendariak zehaztuko duen hautapen-prozesuaren aplikazioz beteko dira lanpostu horiek. Pertsonal hori lan-legeriaren menpe geratuko da.

23. Artikulua.

Aurretik Udalbatzak onartuko balu, ondorengo plantila tekniko-zuzentzailea izango du Erakundeak:

- Gerentea
- Kirol Teknikaria
- Kirol Medikua

24. Artikulua.

Ondorengo hauek izango dira Gerentearen funtzioak:

a) Batzorde Zuzendariko idazkari izatea, eta beraz:

- Bilkura-deietarako Aztergaien Zerrenda osatzeko Lehendakariari erabilgarri gerta lekizkiokeen gaiak prestatzea.
 - Bilkuretako aktak idaztea eta, behin onespena hartu ondoren, akta-liburura transkriba ditzaten agintzea.
 - Erakundearen liburu, dokumentu eta zigiluak zaintzea.
- b) Erakundearen akordioak bete eta bete eraztea.
- c) Gestio ekonomikoa garatzea, onetsitako aurrekontuaren eta ezarritako oinarrien arabera.
- d) Espresuki kontsignaturiko ordainketa guztiak agintzea.
- e) Erakundearen pertsonal-buruzagitza.
- f) Arlo tekniko-administratiboko beste edozein funtzio, Kontseiluak horrela adierazten badio.

25. Artikulua.

Kirol Teknikariari honako funtzio hauek dagozkio:

- a) Beharrezko duenean, Erakundearen Batzordeari kirol arloko arazo guztietan aholkularitza ematea.
- b) Udal instalazio publiko ezberdinetako kirol iharduerak koordinatzea, Kirol Erakundeak ezarritako programen barruan.
- c) Kirol instalazio guztiak ikuskatzea, Erakundearen Batzordetik hartutako orientabideen arabera.
- d) Herriko kirol elkarte eta organizazio ezberdinen Gestio-Organoeekin batera, kirol lehiaketa, txapelketa, ikuskizun, etab. ak bultzatzea.
- e) Kirolgintza ez-lehiakor eta eskolarra antolatu eta bultzatzea, eskualdeko gainerako udaletan eta Diputazioan gai honetaz arduratzen diren Organoeekin batera.

26. Artikulua.

Kirol medikuari dagozkio:

- a) Kirolarien bereiztasun psikofisikoentzako egokienak izan litezkeen ihardueratarako orientabideak eskaintzea.
- b) Neurri higieniko-dietetikoak zabaldu, eta beroriei buruzko aholkuak ematea.
- c) Aldizkako kontrolak eta miaketa bereziak egitea, beren iharduera fisikoarengatik beharrezko duten pertsonen.
- d) Lesio edo gaixoaldien ondoren berriro kirolgintzari ekiten diotenen jarraipena.
- e) Kirol instalazioak erabiltzen dituztenen maila ezberdinetarako irakaskuntza, kirol hezkuntza eskolarrak garrantzi berezia izango duelarik.
- f) Burututako iharduerari buruzko txostenak aldizka zuzendaritzari aurkeztea, eta bai memoria ere zerbitzualdia amaitutakoan.

V KAPITULUA

HIZKUNTZ ERREGIMENA

27. Artikulua.

1982ko Azaroaren 24ko, "Euskararen erabilpenaren Normalizaziorako Oinarrizko Legea"n eta "Euskal Herriko Elkarte Autonomoko Administrazio Publikoetan Euskararen Erabilpena eta Normalizazioa"ri buruz, Azaroaren 25eko 250/1986 Dekretuan ezarritakoa bete asmoz, ondorengo arau hauek ezartzen dira:

- a) Euskara, bai herritarraren zerbitzurako hizkuntza eta bai lanerako hizkuntza izango da, horretarako, beharrezko neurri administratiboak hartuko dituelarik Erakundeak.
- b) Erakundeko pertsonalak gaitasun egokia lortu beharko du bere funtzioak bi hizkuntza ofizialetan, nola batean hala bestean, bete ahal izateko.
- c) Aurrerantzean kontratatutako den pertsonalak gaitasun elebiduna beharrezkoa izango du.
- d) Alderdi politiko, Elkarte, Ikastetxe eta Erakundean ordezkaturako gainerako estamentuei, gaitasun elebiduna duten pertsonak izendatzea gomendatuko zaie.
- e) Erakundeak sortera dezakeen akta, espediente eta gainerako dokumentazio administratiboa idazterakoan euskarari emango zaio lehentasuna
- f) Erakundeak izan ditzakeen kanpo-harremanetan ere euskararen normalizaziorako joera bultzatuko da.
- g) Arau hauen aplikazioa orientatu, aholkatu eta gainikuskatzeko ahalmena izango du Udalaren Euskara-Zerbitzuak.
- h) Kapitulu hau garatuko duen arautegia egingo du Erakundeak.

VI KAPITULUA

ERREGIMEN EKONOMIKOA

28. Artikulua.

Erakundearen ondarea honako hauek osatuko dute:

- a) Udal Kiroldegiak, Musakola Auzoan.

b) Gesalibar Auzoan dauden futbol-instalazioek (Atxabalpe Stadiuma).

c) Erakundeak eskura ditzakeen edo Arrasateko Udalak Organismo Autonomora adskribatu, ekarri edo xedeman ditzakeen beste ondasun batzuek.

29. Artikulua.

Ondarea, Zerbitzuaren helburuetarako geratzen da xedemana eskusiboki, eta Udalari dagokio jabari osoz.

30. Artikulua.

Fundazioaren baliabide ekonomikoak honako hauek izango dira:

a) Ondarearen produktu eta errentak.

b) Organismo publikoetatiko diru-laguntzak.

c) Helburu honetarako Arrasateko Udalak erabaki ditzakeen ekarpenak, bere aurrekontuen kargura.

d) Pertsona fisiko edo juridikoen dohain eta legatuak.

e) Harpidetuen kuota, instalazioetarako sarrera, antolatutako ikuskizun igeriketa, gimnasia, judo, aerobic, karate eta horrelakoen klase, etab.etatil Batzorde Zuzendariak ezar ditzan baldintzetan ateratako kopuruak.

f) Instalazioen akuratzek eman lezakeena.

g) Lortutako aurrerakin eta maileguak.

h) Emanan izan dakioken beste edozein baliabide.

31. Artikulua.

Kirol Organismoaren Haziendak erantzungo du harturiko obligazio eta egindako zorrei buruz, erantzukizun horrek ez duelarik eraginik izango 27. artikuluan aipatutako ondarean.

32. Artikulua.

Lortutako diru-sarrerak gastuak estaltzeko, erreserba-fondorako, lan-bermetarako fondorako, amortizazio eta interesetarako izango dira, eta gaineratikoa oso-osorik instalazioak eta zerbitzuak hobetu eta hedatzeko izango da, Kirol Erakundearen helburuak bete beharko direlarik.

33. Artikulua.

Urteko Urtarrilaren 31 baino lehenago, aurreko urteko aurrekontuaren likidazioa aurkeztuko dio Batzorde Zuzendariak Udalari, bere onspena eman diezaion.

Halaber, urteko Ekainaren 1 baino lehenago, aurreko urteko kontu orokorrak eta Ondarea administratzekoak aurkeztu beharko dira.

34. Artikulua.

Aurrekontuak ekitaldi ekonomiko bakoitzerako egingo dira, urte naturalak izanda kontutan; eta, legeak ezarritako epearen barruan, Udalari aurkeztuko zaizkio bere onspenerako.

VII KAPITULUA

ERREGIMEN JURIDIKOA

35. Artikulua.

Batzorde Zuzendariaren akordioen aurka, gorako helegite edo errekursoak egin ahal izango dira Udalaren aurrean, hamabost egunetako epean. Ebazpen hau izango da administrazio-bidearen amaiera.

36. Artikulua.

Udalak , bere ekinbidez edota Batzordearen eskariz, aldatu ahal izango ditu Estatutu hauek, onspena emateko beharrezko izapideak aurrez egin ondoren.

37. Artikulua.

Kirol Erakundearen eta Udalaren arteko harremanak Batzorde Zuzendariko Lehendakariaren bidez izango dira.

VIII KAPITULUA

TUTORETZAKO ERREGIMENA

38. Artikulua.

Zerbitzua zuzendu eta babesteko eginkizun nagusia behar bezala burutzeko -eta hau, Udalari dagokio nahitaez-, Organismoaren gobernu- eta administrazio-organoak behartuta daude gestio hutsezko egintzak baino zerbait gehiago direnen berri Udalari ematera, batez ere, Estatutu hauen arabera, lehen eskuduntzetan zehatz-mehatz adierazitakoen artean ez badira agertzen.

39. Artikulua.

Hala dagokien kasuetan, Zerbitzuaren gobernu- eta administrazio- egintzek baimena eta onspena behar izango dituzte, Estatutu hauetan eta gainerako xedapen aplikagarrietan aurrikusitakoaren arabera.

Edonola ere, tutoretza-ahalmenak honako hauetan erabili ahal izango dira

1.

- a) pertsonalaren plantila eta beronen ordainketa.
- b) laneko hitzarmen kolektiboak
- c) Organismo Autonomoaren aurrekontua eta beronen likidazioa.
- d) urteko kontuak.
- e) ondasun higiezin besterentze, lagapen edo karga.
- f) kreditu publikora jotzea eta obligazio-jaulkipena.
- g) erabiltzaileei kobratuko zaizkien tasak eta eskubideak.
- h) Erakundeak emango dituen dirulaguntzak arautuko dituen arautegia.

2. Ondorengo hauen berri izateko ere bai, alegia,

a) Erakundearen bilkuretako Aztergaien Zerrendarako gaiak, edozein kasutan ere, Udalbatzako idazkariari eta kontu-hartzaileari, Alkateari eta Gobernu-Batzordeari ere emango zaielarik berorien berri.

b) Erakundearen akordioak, era berean jakin eraziko direlarik.

40. Artikulua.

Udalak ikuskapenak ere egin ahal izango ditu, berak izendaturiko pertsonen bidez.

IX. KAPITULUA

DESEGINTZA

41. Artikulua.

Arrasateko Udalak, Korporazio Lokalen Zerbitzu Arautegiko 30. artikulua ematen dion ahalmenaz baliatuz, Organismoaren desegintza erabaki ahal izango du.

42. Artikulua.

Organismoa desegiten bada, Arrasateko Udala izango da ondorengo unibertsalki.

XEDAPEN DEROGATZAILEA

43. Artikulua.

Arrasateko Kiroldegia Fundazio Publicoa erregulatzeko, 1981eko Otsailaren 17an Udalbatzak onartutako Estatutuak indarrrik gabe gelditzen dira.